

范陽盧蔚弱冠舉進士有日者言其年壽不永常宜醮本命以
增年祿蔚素崇香火勤於修醮未嘗輟焉年二十五寢疾於東
都逾月益困忽夢爲親友所招出門乘馬其行極速疑爲冥司
所攝有一人乘馬奔來所在留滯必爲搗解遮救言旨懇切及
到所司此人又懇爲請託因得卻還部署行里有如親吏焉所
還道中見兵士數千初頗疑懼此人曰此皆他日郎君所主兵
士也將至所居自後垣乘虛而入徑及庭中有門旗麾鏘武器
之屬此人曰他日當用之痊於兩階之下將別去蔚曰素未相
識何憂勤之甚也答曰我乃本命神爾郎君爲冥官所召大限
欲及某已於天司奏陳必及中壽疾亦就痊無以爲憂也蔚媿

道藏輯要

雲笈七籤
十三

卷

井集六
八〇七文

謝而去疾亦尋愈其後策名金紫亦享中年除宿州刺史角橋
都知兵馬指揮使不到任死以其痊武器門旗故也

崔圖修黃籙齋救母生天驗

崔圖者坊州中都人好遊獵馳馬於野中獵次馬忽不行鞭箠
數下亦不進圖怒下馬欲射之馬作人言曰吾是汝之母也不
得相害曾竊取汝三十千錢私與小女爲嫁貲不告於汝吾死
冥司罰吾與汝爲馬八年今限已畢吾將死矣圖聞之舉身自
撲迷悶良久悲告母曰兒之不孝致令我母見受如斯罪馬亦
流淚曰吾爲馬身報汝未了更罰與汝爲瞽目之婢仍復暗啞
圖聞之號哭言曰如何得免此罪業母曰吾聞罪障重者須作

黃錄道場懺悔卽得免苦言訖而死圖收葬其馬焚射獵之具請道流修黃錄道場三日三夜至第三夜圖聞叩門之聲甚急出看乃是其母還現本形立於門外謂其夫婦曰人生世間願作善業勿爲惡事冥司報應一一分明母用子錢尙被責罰如此况他人非己之物豈可偷盜乎吾受此罪苦痛萬般不可言說賴汝夫婦爲吾修無上黃錄寶齋功德一切吾乘此功德已得生天故來相別於是乘虛而去圖自此知罪福必應大道可依夫婦詣王屋山同志修道矣

赫連寵修黃錄齋解父冤驗

赫連寵者靈州定遠縣人也父悰領軍於邊上殺降兵一千餘

道藏輯要

雲笈七籤
十三

夷

井集六
卷之十一

人武德二年八月死於邊上冥司論對受諸罪苦寵總不知寵爲靈州押衙貞觀八年奉使入京因與友人遊終南山行至炭谷口有道士楊景通結廬脩行三百餘歲寵醉歇廬前謂景通曰吾飢有何所食景通素不飲食笑而不對寵令左右取火焚其廬室景通曰汝父屈殺生民見受罪地府不能修善救父更害於吾寵曰何以知之景通曰汝坐於此吾與汝喚令汝見之言訖書一符擲於空中逡巡有黑雲至於廬前雲中有二十餘鬼領一人枷杻鎖械來景通前曰汝子不孝不能救汝寵見之果父悰也悲泣謂父曰何故受苦如斯父曰吾殺降兵被他冤訟於地獄下受諸罪苦汝何故更毀真人令吾轉轍罪重寵乃